

25 февраля. Среда 1-й недели поста.

25 февраля.

Среда 1-й недели поста Великого поста

Великое повечерие

Священник: Благословен Бог наш всегда, ныне и присно и во веки веков.

Чтец: Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесах! Да святится имя Твое, да придет Царствие Твое, да будет воля Твоя, яко на небесах и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила и слава, Отца и Сына и Святаго Духа, ныне и присно и во веки веков.

Чтец: Аминь.

Господи, помилуй. *(12 раз)*

Слава Отцу и Сыну и Святому Духу, и ныне и присно и во веки веков. Аминь.

1-я часть повечерия

Приидите, поклонимся Царю нашему Богу.

Приидите, поклонимся и припадём Христу, Царю нашему Богу.

25 февраля. Среда 1-й недели поста.

Приидите, поклонимся и припадём Самому Христу, Царю и Богу нашему.

Псалом 69

Боже, в помощь мою вонми, Господи, помощи ми потщися. Да постыдятся и посрамятся ищущи душу мою, да возвратятся вспять, и постыдятся хотящии ми злая. Да возвратятся абие стыдящися глаголющии ми: благоже, благоже. Да возрадуются и возвеселятся о Тебе вси ищущи Тебе, Боже, и да глаголют вину: да возвеличится Господь, любящии спасение Твое. Аз же нищ есмь и убог, Боже, помози ми. Помощник мой и Избавитель мой еси Ты, Господи, не закосни.

ВЕЛИКИЙ КАНОН

Песнь 1

Великий канон в понедельник 1-й седмицы ВП. Глас 6. На 10.

Ирмос, глас 6: Помощник и Покровитель/ бысть мне во спасение,/ Сей мой Бог,/ и прославлю Его,/ Бог отца моего,/ и вознесу Его,// славно бо прославися.

Припев: Помилуй мя, Боже, помилуй мя.

От юности, Христе, заповеди Твоя преступих, всестрастно небрегий, унынием преидох житие. Темже зову Ти, Спасе, поне на конец спаси мя.

Припев: Помилуй мя, Боже, помилуй мя.

Повержена мя, Спасе, пред враты Твоими, поне на старость не отрини мене во ад тца, но прежде конца, яко Человеколюбец, даждь ми прегрешений оставление.

Припев: Помилуй мя, Боже, помилуй мя.

Богатство мое, Спасе, изнури в блуде, пуст есмь плодов благочестивых, алчен же зову: отче щедрот, предварив Ты мя ущедри.

Припев: Помилуй мя, Боже, помилуй мя.

В разбойники впадый аз есмь помышленьми моими, весь от них уязвихся ныне, и исполнихся ран, но Сам ми представ, Христе Спасе, исцели.

Припев: Помилуй мя, Боже, помилуй мя.

25 февраля. Среда 1-й недели поста.

Священник мя предвидев мимо иде, и левит видел в лютых, нага презре, но, из Марии возсиявый Иисусе, Ты представ ущедри мя.

Припев: Преподобная матери Марие, моли Бога о нас.

Ты ми даждь светозарную благодать от Божественного свыше промысления, избежати страстей омрачения, и пети усердно твоего, Марие, жития, красная исправления.

Припев: Слава Отцу, и Сыну, и Святому Духу.

Троицен: Пресущная Троице, во Единице покланяемая, возми бремя от Мене тяжкое греховное, и яко благоутробна, даждь ми слезы умиления.

Припев: И ныне, и присно, и во веки веков. Аминь.

Богородичен: Богородице, Надежде и Предстательство Тебе поющих, возми бремя от Мене тяжкое греховное, и яко Владычица Чистая, кающаяся прими мя.

Песнь 2

Ин великий канон в среду 1-й седмицы ВП. Глас 6. На 9.

Ирмос, глас 6: Вонми, небо, и возглаголю, / и воспою Христа, // от Девы плотию пришедшаго.

Припев: Помилуй мя, Боже, помилуй мя.

Поползохся яко Давид блудно, и осквернихся, но омый и мене, Спасе, слезами.

Припев: Помилуй мя, Боже, помилуй мя.

Ни слез, ниже покаяния имам, ниже умиления. Сам ми сия, Спасе, яко Бог даруй.

Припев: Помилуй мя, Боже, помилуй мя.

Погубих первозданную доброту и благолепие мое, и ныне лежу наг и стыжуся.

Припев: Помилуй мя, Боже, помилуй мя.

Дверь Твою не затвори мне тогда, Господи, Господи, но отверзи ми сию кающемуся Тебе.

Припев: Помилуй мя, Боже, помилуй мя.

Внуши въздыхания души моея, и очию моею прими капли, Спасе, и спаси мя.

25 февраля. Среда 1-й недели поста.

Припев: Помілуй мя, Бóже, помілуй мя.

Человеколюбче хотяй всем спастіся, Ты воззові мя, и приимі, яко Благ, кающагося.

Припев: Пресвятая Богородице, спасі нас.

Богородичен: Пречістая Богородице Дéво, едіна всепéтая, моли прилэжно во ёже спастіся нам.

Велікий канон в среду 1-й седмицы ВП. Глас 6. На 9.

Ирмос, глас 6: Вїдите вїдите,/ яко Аз есмь Бог,/ мánну одождівый,/ и вóду из камене источівый дрéвле в пустыни людем Моїм,/ десницей едіною,// и крéпостию Моёю.

Припев: Помілуй мя, Бóже, помілуй мя.

Вїдите вїдите, яко Аз есмь Бог, внушай, душе моя, Гóспода вопиюща, и удаліся прэжняго грехá, и бóйся яко неумытнаго, и яко Судий и Бóга.

Припев: Помілуй мя, Бóже, помілуй мя.

Кому уподóбилася есі, многогрéшная душе? Тóкмо пёрвому Каїну, и Ламéху óному, каменовáвшая тéло злодéйствы, и убівшая ум безсловéсными стремлénьми.

Припев: Помілуй мя, Бóже, помілуй мя.

Вся прэжде закóна претéкши, о душе, Сїфу не уподóбилася есі, ни Еноса подражала есі, ни Еноха преложéнием, ни Нóя, но явилася есі убога праведных жїзни.

Припев: Помілуй мя, Бóже, помілуй мя.

Едіна отвёрзла есі хляби гнéва Бóга твоегó, душе моя, и потопіла есі всю, якоже зéмлю плоть, и деяния и житиé, и пребыла есі вне спасітельнаго ковчéга.

Припев: Преподóбная мáти Маріе, моли Бóга о нас.

Всем усérдием и любóвию притеклá есі Христú, пёрвый грехá путь отвращши, и в пустынях непроходімых питающися, и Тогó чїсте совершающи Божéственныя заповеди.

Слáва Отцú, и Сýну, и Святóму Дúху.

25 февраля. Среда 1-й недели поста.

Троицен: Безнача́льная Несозда́нная Трѳице, Нераздѣльная Едѳнице ка́ющаяся мя приими́, согрѣшивша спаси́, Твое́ есмь созда́ние, не презри, но пощади́, и изба́ви о́гненнаго мя осужде́ния.

И ны́не, и прѳсно, и во ве́ки веко́в. Ами́нь.

Богородичен: Пречѳстая Владѳчице, Богородѳтельница, наде́ждо к Тебе́ притека́ющих, и пристѳнище су́щих в бу́ри, Ми́лостиваго и Созда́теля и Сы́на Твоего́ уми́лостиви и мне моли́твами Твоими.

Песнь 3

Вели́кий канѳн в сре́ду 1-й седми́цы ВП. Глас 6. На 12.

Ирмос, глас 6: Утверди́, Го́споди,/ на ка́мени за́поведей Твоѳих,/ подвѳгшееся се́рдце моѳе, // я́ко Едѳн Свят еси́ и Го́сподь.

Припев: Помѳлуй мя, Бо́же, помѳлуй мя.

Благослове́ния Си́мова не насле́довала еси́, душе́ ока́янная, ни пространное одержа́ние, я́коже Иа́феф, имѳла еси́ на землѳ оставле́ния.

Припев: Помѳлуй мя, Бо́же, помѳлуй мя.

От землѳ Харра́н, изы́ди от греха́, душе́ моя́, грядѳи в зе́млю точа́щую присноживо́тное нетле́ние, е́же Авраа́м насле́дствова.

Припев: Помѳлуй мя, Бо́же, помѳлуй мя.

Авраа́ма слы́шала еси́, душе́ моя́, дре́вле оста́вльша зе́млю оте́чества, и бы́вша пришѳльца, сегѳ произво́лению подража́й.

Припев: Помѳлуй мя, Бо́же, помѳлуй мя.

У дѳба Мамврийскаго учредѳв патриа́рх А́нгелы, насле́дствова по ста́рости обетова́ния ловѳтву.

Припев: Помѳлуй мя, Бо́же, помѳлуй мя.

Исаа́ка, ока́янная душе́ моя́, разумѳвши но́вую же́ртву, тайно всесо́жженную Го́сподеви, подража́й его́ произво́лению.

Припев: Помѳлуй мя, Бо́же, помѳлуй мя.

25 февраля. Среда 1-й недели поста.

Исмаила слышала еси, трезвися, душе моя, изгнана яко рабынино отрождение, виждь, да не како подобно что постраждеш ласкосердствующи.

Припев: Преподобная матери Марие, моли Бога о нас.

Содержимь есмь бурею и треволнением согрешений, но сама мя, матери, ныне спаси, и к пристанищу божественного покаяния возведи.

Припев: Преподобная матери Марие, моли Бога о нас.

Рабское моление и ныне, преподобная, принеши, ко благоутробней молитвами твоими Богородице, отверзи ми Божественныя входы.

Слава Отцу, и Сыну, и Святому Духу.

Троицен: Троице Простая, Несозданная, безначальное естество, в Троице певаемая ипостасей, спаси ны, верою поклоняющихся державе Твоей.

И ныне, и присно, и во веки веков. Аминь.

Богородичен: От Отца безлетна Сына, в лето, Богородительнице, неискусомужно родила еси, странное чудо, пребывши Дева доящи.

Песнь 4

Великий канон в среду 1-й седмицы ВП. Глас 6. На 10.

Ирмос, глас 6: Услыша пророк/ пришествие Твое, Господи,
и убояся,/ яко хочещи от Девы родитися,/ и человеком
явитися,/ и глаголаше:/ услышах слух Твой, и убояхся, //
слава силе Твоей, Господи.

Припев: Помилуй мя, Боже, помилуй мя.

Тело осквернися, дух окаляся, весь острупихся, но яко Врач, Христе, обоя покаянием моим уврачуй, омой, очисти, покажи, Спасе мой, паче снега чистейша.

Припев: Помилуй мя, Боже, помилуй мя.

Тело Твое и кровь распинаемый о всех положил еси, Слово: тело убо, да мя обновishi; кровь, да омыеши мя; дух же предал еси, да мя приведеш Христе, Твоему Родителю.

Припев: Помилуй мя, Боже, помилуй мя.

25 февраля. Среда 1-й недели поста.

Содѣлал еси спасѣние посреде земли, Щедре, да спасѣмся. Волю на дрѣве распялся еси, Едем затворѣнный отвѣрзися, горняя и дольняя тварь, языцы вси спасѣни поклоняются Тебѣ.

Припев: Помилуй мя, Бóже, помилуй мя.

Да бóдет ми купель, кровь из ребр Твоих, вкупѣ и питиѣ, источившее воду оставлѣния, да обоюду очищаюся, помазуюся и пия, яко помазание и питиѣ, Слове, животóчная Твоя словеса.

Припев: Помилуй мя, Бóже, помилуй мя.

Чашу Цѣрковь стяжа, ребра Твоя живонóсная, из нѣхже сугубыя нам источи токи, оставлѣния и рáзума, во образ дрѣвняго и нóваго, двойх вкупѣ заветов, Спасе наш.

Припев: Помилуй мя, Бóже, помилуй мя.

Наг есмь чертога, наг есмь и брака, купно и вѣчери; светильник угасѣ, яко безъелѣйный, чертог заключися, мне спящу, вѣчеря снадѣся, аз же по руку и нóгу связан, вон низвѣржен есмь.

Слáва Отцú, и Сýну, и Святóму Дúху.

Троицен: Нераздѣльное существóm, неслитное Лѣцы, богослóвлю Тя, Трóическое Едино Божествó, яко Единоцáрственное и Сопрестóльное, вопию Ти песнь великую, в вѣшних трегубо песнослóвимую.

И нýне, и прѣсно, и во вѣки векóв. Амѣнь.

Богородичен: И раждáеши, и дѣвствуеши, и пребывáеши обоюду естествóm Дѣва, Рождѣйся обновляет закóны естества, утрóба же раждáет нераждáющая. Бог идеже хóщет, побеждáется естества чин: творѣт бо елика хóщет.

Песнь 5

Великий канон в среду 1-й седмицы ВП. Глас 6. На 10.

Ирмос, глас 6: От нóщи ўтренююща,/ Человеколóбче,/ просвети молюся,/ и настави и мене/ на повелѣния Твоя,/ и научи мя, Спасе,// творѣти волю Твою.

Припев: Помилуй мя, Бóже, помилуй мя.

25 февраля. Среда 1-й недели поста.

Яко тяжкий нравом, фараону горькому бых, Владыко, Ианни и Иамври, душею и телом, и погружен умом, но помози ми.

Припев: Помилуй мя, Боже, помилуй мя.

Калом смесихся окаянный умом, омий мя, Владыко, банею моих слез, молю Тя, плоти моея одежду убелив яко снег.

Припев: Помилуй мя, Боже, помилуй мя.

Аще испытаю моя дела, Спасе, всякаго человека превозшедша грехами себе зрю, яко разумом мудрствуяй согреших, не неведением.

Припев: Помилуй мя, Боже, помилуй мя.

Пощади, пощади, Господи, создание Твое, согреших, ослаби ми, яко естеством чистый Сам сый един, и ин разве Тебе никтоже есть кроме скверны.

Припев: Помилуй мя, Боже, помилуй мя.

Мене ради Бог сый, вообразился еси в мя, показал еси чудеса, исцелив прокаженных, и расслабленного стягнув, кровоточивыя ток уставил еси, Спасе, прикосновением риз.

Припев: Преподобная матери Марие, моли Бога о нас.

Струи Иорданския прешедши, обрела еси покой безболезненный, плоти сласти избежавши, еяже и нас измени твоими молитвами, преподобная.

Слава Отцу, и Сыну, и Святому Духу.

Троицен: Тя Троице славим, Единого Бога: Свят, Свят, Свят еси Отче, Сыне и Духе, Простое Существо, Единиче присно покланяемая.

И ныне, и присно, и во веки веков. Аминь.

Богородичен: Из Тебе облечеса в мое смешение, нетленная безмужная Мати Дево, Бог создавый веки, и соедини Себе человеческое естество.

Песнь 6

Великий канон в среду 1-й седмицы ВП. Глас 6. На 8.

Ирмос, глас 6: Возопих всем сердцем моим/ к щедрому Богу,/ и услыша мя/ от ада преисподняго,/ и возведе// от тли живот мой.

25 февраля. Среда 1-й недели поста.

Припев: Помілуй мя, Бóже, помілуй мя.

Востáни и поборí, я́ко Иису́с Амалі́ка, плотскі́я стра́сти, и гаваоні́ты, ле́стныя по́мыслы прі́сно побежда́ющи.

Припев: Помілуй мя, Бóже, помілуй мя.

Преиді́ врѣмене теку́щее естество́, я́ко прѣ́жде ковчѣ́г, и землі́ о́ныя бу́ди во одержáнии обетова́ния, душе́, Бог повелева́ет.

Припев: Помілуй мя, Бóже, помілуй мя.

Я́ко спасл еси́ Петра́, возопі́вша спаси́, предварі́в мя Спа́се, от зве́ря изба́ви, простѣ́р Твою́ ру́ку, и возведи́ из глубины́ грехо́вныя.

Припев: Помілуй мя, Бóже, помілуй мя.

Приста́нище Тя вем ути́шное, Влады́ко, Влады́ко Христе́, но от незаходи́мых глубі́н греха́, и отча́яния мя предварі́в изба́ви.

Сла́ва Отцу́, и Сы́ну, и Свято́му Ду́ху.

Трои́чен: Трои́ца есмь Прóста, Нераздѣ́льна, Раздѣ́льна Лі́чне, и Ед́иница есмь естество́м соединѣ́на, Оте́ц глаго́лет и Сын и Божѣ́ственный Ду́х.

И ны́не, и прі́сно, и во ве́ки веко́в. Ами́нь.

Богородичен: Утроба́ Твоя́ Бо́га нам роди́, воображе́на по нам, Егóже, я́ко Созда́теля всех, моли́, Богороди́це, да моли́твами Твои́ми оправди́мся.

Го́споди, помілуй. *(Трижды)*

Сла́ва Отцу́ и Сы́ну и Свято́му Ду́ху, и ны́не и прі́сно и во ве́ки веко́в. Ами́нь.

Кондак, глас 6

Душе́ моя́, душе́ моя́,/ востáни, что спи́ши?/ Конѣ́ц приближа́ется,/ и ймаши́ смуті́тися;/ воспряни́ у́бо, да пощади́т тя Христóс Бог, // вездѣ́ сый и вся́ исполня́яй.

Песнь 7

Вели́кий канон в сре́ду 1-й седми́цы ВП. Глас 6. На 8.

25 февраля. Среда 1-й недели поста.

Ирмос, глас 6: Согреш́ихом, беззакóннавахом,/ неправдовахом пред Тобóю,/ ниже́ соблюдо́хом, ниже́ сотвори́хом,/ я́коже запове́дал еси́ нам;/ но не преда́ждь нас до конца́, // отце́в Бóже.

Припев: Помíлуй мя, Бóже, помíлуй мя.

Манассíева собралá еси́ согрешéния изволéнием, поста́вльши я́ко мёрзости стра́сти, и умно́живши, душе́, негодова́ние, но то́го пока́янию ревну́ючи тёпле, стяжи́ умилéние.

Припев: Помíлуй мя, Бóже, помíлуй мя.

Ахаáвовым поревновáла еси́ сквёрнам, душе́ моя́, увы́ мне, была́ еси́ плотски́х скверн пребывáлище, и сосúд сра́млен страстéй; но из глубины́ твоея́ воздохни́, и глаго́ли Бóгу грехи́ твоя́.

Припев: Помíлуй мя, Бóже, помíлуй мя.

Заклучи́ся тебе́ не́бо, душе́, и глад Бóжий пости́же тя, егда́ Или́и Фесвítянина я́коже Ахаáв, не покори́ся словесéм иногда́; но Сара́ффии уподо́бився, напитáй проро́чу дúшу.

Припев: Помíлуй мя, Бóже, помíлуй мя.

Попали́ Или́я иногда́ два́ци пятьдесят Иезавéлиных, егда́ стúдныя проро́ки погуби́, во обличéние Ахаáвово, но бéгай подража́ния двою́, душе́, и укрепля́йся.

Сла́ва Отцу́, и Сы́ну, и Свято́му Дúху.

Трои́чен: Трои́це Прóстая, Нераздéльная, Единосу́щная, и Естество́ Еди́но, Све́тове и Свет, и Свя́та Три, и Еди́но Свя́то поётся Бог Трои́ца; но воспóй, просла́ви Живóт и Животы́, душе́, всех Бóга.

И ны́не, и прíсно, и во ве́ки веко́в. Ами́нь.

Богородичен: Поём Тя, благословím Тя, поклоня́емся Ти, Богороди́тельнице, я́ко Нераздéльная Трои́цы, породила́ еси́ еди́наго Христá Бóга, и Самá отвёрзла еси́ нам сúщим на земли́ небéсная.

Песнь 8

Вели́кий канóн в сре́ду 1-й седми́цы ВП. Глас 6. На 8.

25 февраля. Среда 1-й недели поста.

Ирмос, глас 6: Егѡже во́инства небѣсная сла́вят,/ и
трепѣщут Херувѣими и Серафѣими,/ всяко дыха́ние и тварь,/ по́йте, благослови́те// и превозноси́те во вся ве́ки.

Припев: Помѣлуй мя, Бо́же, помѣлуй мя.

Правосúde Спа́се, помѣлуй, и изба́ви мя огня, и прещѣния, е́же ѡмам на суде́
пра́ведно претерпѣти, осла́би ми прѣжде конца́, добродѣтелию и пока́нием.

Припев: Помѣлуй мя, Бо́же, помѣлуй мя.

Яко разбо́йник вопию́ Ти: помяни́ мя, яко́ Петр пла́чу го́рце, осла́би ми, Спа́се,
зову́ яко мыта́рь, слезю́ яко блудни́ца, приими́ моѣ рыда́ние, якоже иногда́
хананѣино.

Припев: Помѣлуй мя, Бо́же, помѣлуй мя.

Гноѣние, Спа́се, исцели́ смире́нныя моея́ души́, еди́не Врачу́, пла́стырь мне
наложи́, и елей и вино́, дела́ пока́ния, умилѣние со слеза́ми.

Припев: Помѣлуй мя, Бо́же, помѣлуй мя.

Хананѣю и аз подража́я, помѣлуй мя, вопию́, Сы́не Дави́дов; каса́юся кра́я
ри́зы, яко́ кровоточи́вая; пла́чу, яко́ Ма́рфа и Мари́я над Ла́зарем.

Сла́ва Отцу́, и Сы́ну, и Свято́му Ду́ху.

Трои́чен: Безнача́льне О́тче, Сы́не Собезнача́льне, Уте́шителю Благи́й, Ду́ше
Пра́вый, Сло́ва Бо́жия Родите́лю, Отца́ Безнача́льна Сло́ве, Ду́ше Живы́й и
Зи́ждяй, Трои́це Еди́нице помѣлуй мя.

И ны́не, и прѣсно, и во ве́ки веко́в. Ами́нь.

Богородичен: Яко́ от оброщѣния червлени́цы, Пречи́стая, умная багряни́ца
Емману́илева, внутрь во чре́ве Твоѣм плоть истка́ся, те́мже Богороди́цу
вои́стинну Тя почита́ем.

Песнь 9

Вели́кий канѡн в сре́ду 1-й седми́цы ВП. Глас 6. На 10.

Ирмос, глас 6: Безсе́меннаго зача́тия/ рождество́
несказа́нное,/ Ма́тере безму́жныя/ нетле́нен плод,/ Бо́жие бо

рождѣние/ обновляѣт естества./ Тѣмже Тя вси рѣди/ яко Богоневѣстную Матерь// православно величаѣем.

***Припев:* Помилуй мя, Бѣже, помилуй мя.**

Недуги исцеляя, нищим благовествоваше, Христос Слово, вредныя уврачева, с мытаря ядыше, со грешники беседоваше, Иаиры дщере душу предумершую возврати осязанием руки.

***Припев:* Помилуй мя, Бѣже, помилуй мя.**

Мытарь спасашеся, и блудница целомудрствоваше, и фарисей, хваляся осуждашеся. Ов убо, очисти мя, ова же, помилуй мя, сей же величашеся вопия: Бѣже, благодарю Тя, и прочия безумныя глаголы.

***Припев:* Помилуй мя, Бѣже, помилуй мя.**

Захей мытарь бе, но обаче спасашеся, и фарисей Симон соблажняшеся, и блудница приимаше оставительная разрешенія, от имущаго крепость оставляти грехи, юже душе потщися подражати.

***Припев:* Помилуй мя, Бѣже, помилуй мя.**

Блуднице, о окаянная душе моя, не поревновала еси, яже приимши мира алавастр, со слезами мазаше нозе Спасове, отрече власы древних согрешений рукописание раздирающаго ея.

***Припев:* Помилуй мя, Бѣже, помилуй мя.**

Грады, имже даде Христос благовестие, душе моя, уведала еси, како прокляти быша; убойся указанія, да не будеши якоже оны, ихже содомляном Владыка уподобив, даже до ада осуди.

***Припев:* Помилуй мя, Бѣже, помилуй мя.**

Да не горшая, о душе моя, явишися отчаянием, хананей веру слышавшая, еяже дщи словом Божиим исцелися; Сыне Давидов, спаси и мене, воззови из глубины сердца, якоже она Христу.

Слава Отцу, и Сыну, и Святому Духу.

Троицен: Отца прославим, Сына превознесем, Божественному Духу верно поклонимся, Троице Нераздельней, Единице по существу, яко Свету и Светом, и Животу и Животом, животворящему и просвещающему концы.

И ныне, и присно, и во веки веков. Аминь.

25 февраля. Среда 1-й недели поста.

Богородичен: Град Твой сохраняй, Богородительнице Пречистая, в Тебе бо сей верно царствуяй, в Тебе и утверждается, и Тобою побеждаяй, побеждает всякое искушение, и пленяет ратники, и проходит послушание.

Припев: Преподобне отче Андрее, моли Бога о нас.

Андрее честный, и отче преблаженнейший, пастырю Критский, не престаи моляся, о воспевающих тя, да избавимся вси гнева, и скорби, и тления, и прегрешений безмерных, чтущии твою память верно.

Катавасия

Ирмос, глас 6: Безсеменнаго зачатия/ рождество
несказанное,/ Матере безмужныя/ нетленен плод,/ Божие бо
рождение/ обновляет естества./ Темже Тя вси роди/ яко
Богоневестную Матерь// православно величаем.

(И поклон). Чтец далее читает псалмы

Псалом 4

Внегда призвати ми, услыша мя Бог правды моея, в скорби распространил мя еси, ущедри мя и услыши молитву мою. Сынове человечести, доколе тяжкосердии? Вскую любите суету и ищите лжи? И уведите, яко удивил Господь преподобнаго Своего: Господь услышит мя, внегда звати ми к Немю. Гневайтесь, и не согрешайте, яже глаголете в сердцах ваших, на ложах ваших умилитесь. Пожрите жертву правды и уповайте на Господа. Мнози глаголют: кто явит нам благая? Знаменася на нас свет лица Твоего, Господи. Дал еси веселие в сердце моем: от плода пшеницы, вина и елеа своего умножишася. В мире вкупе усну и почию, яко Ты, Господи, единого на уповании вселил мя еси.

Псалом 6

Господи, да не яростию Твоею обличиши мене, ниже гневом Твоим накажешу мене. Помилуй мя, Господи, яко немощен есмь, исцели мя, Господи, яко смятшася кости моя. И душа моя смятеша зело: и Ты, Господи, доколе? Обратися, Господи, избави душу мою: спаси мя ради милости Твоея. Яко несть в смерти поминаяй Тебе: во аде же кто исповестся Тебе? Утрудихся воздыханием моим, измыю на всяку ночь ложе мое, слезами моими постелю мою омочу. Смятеша от ярости око мое, обетшах во всех вразех моих. Отступите от мене, вси делающие беззаконие, яко услыша Господь глас плача моего: услыша Господь моление мое,

25 февраля. Среда 1-й недели поста.

Господь молитву мою прият. Да постыдятся и смятутся вси врази мой, да возвратятся и устыдятся зело вскоре.

Псалом 12

Докóле, Гóсподи, забúдеши мя до концá? Докóле отвращáеши лицé Твоё от менé? Докóле положú совéты в душí моёй, болéзни в сёрдце моём день и ночь? Докóле вознесётсá враг мой на мя? Призри, услýши мя, Гóсподи Бóже мой, просветí óчи мо́й, да не когда уснú в смерть, да не когда речёт враг мой, укрепíхся на него́. Стужáющие ми возра́дуются, áще подвижуся. Аз же на мíлость Твою́ упováх, возра́дуется сёрдце моё о спасéнии Твоём, воспою́ Гóсподеви благоде́явшему мне и пою́ íмени Гóспода Вы́шняго.

Призри, услýши мя, Гóсподи, Бóже мой, просветí óчи мои, да не когда уснú в смерть, да не когда речёт враг мой: укрепíхся на него.

Слáва Отцú и Сýну и Свято́му Дúху, и ны́не и прýсно и во вéки веко́в. Амíнь.

Аллилу́иа, аллилу́иа, аллилу́иа, слáва Тебе́, Бóже. *(Трижды)*

Гóсподи, помíлуй. *(Трижды)*

Слáва Отцú и Сýну и Свято́му Дúху, и ны́не и прýсно и во вéки веко́в. Амíнь.

Псалом 24

К Тебе́, Гóсподи, воздвигóх дúшу мою́, Бóже мой, на Тя упováх, да не постыжúся во век, ниже́ да посмеют ми ся врази мо́й, íбо вси терпя́щие Тя не постыдýтся. Да постыдýтся беззакóннующии вотщé. Пути́ Твоя́, Гóсподи, скажи́ ми, и стезя́м Твои́м научí мя. Настáви мя на íстину Твою́, и научí мя, я́ко Ты еси́ Бог Спас мой, и Тебе́ терпéх весь день. Помяни́ щедро́ты Твоя́, Гóсподи, и мíлости Твоя́, я́ко от вéка суть. Грех ю́ности моея́, и неведéния моего́ не помяни́, по мíлости Твое́й помяни́ мя Ты, ráди блáгости Твоея́, Гóсподи. Благ и прав Господь, сегó ráди законоположит согрешáющим на пути́. Настáвит крóткия на суд, научит крóткия путём Свои́м. Вси путиé Господни мíлость и íстина, взыскáющим заветá Егó, и свидéния Егó. Рáди íмене Твоегó, Гóсподи, и очисти грех мой, мног бо есть. Кто есть человекó боя́йся Гóспода? Законоположит ему́ на пути́, егóже изво́ли. Душá егó во благíх водворитсá, и сéмя егó наследит зéмлю. Держáва Господь боя́щихся Егó, и заветó Егó явит им. Óчи мо́й вы́ну ко Гóсподу, я́ко Той истóргнет от сéти нóзе мо́й. Призри на мя и помíлуй мя, я́ко единорóд и нищ есмь аз. Скóрби сёрдца моего́ умно́жишася, от нужд мо́их изведí мя. Виждь смире́ние моё, и труд мой, и оста́ви вся грехи́ мо-

25 февраля. Среда 1-й недели поста.

я. Видь враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся, яко уповах на Тя. Незлобиви и правии прилеплюхся мне, яко потерпех Тя, Господи. Избави, Боже, Израиля от всех скорбей его.

Псалом 30

На Тя, Господи, уповах, да не постыжуся во век: правдою Твоею избави мя и измени мя. Приклони ко мне ухо Твое, ускори изъяти мя, буди ми в Бога Защитителя, и в дом прибежища, еже спасти мя. Яко держава моя и прибежище мое еси Ты, и имене Твоего ради наставиши мя, и препитаеши мя. Изведеша мя от сети сея, юже скрыша ми, яко Ты еси Защититель мой, Господи. В рuce Твоей предложу дух мой: избавил мя еси, Господи Боже истины. Возненавидел еси хранящия суеты вотще: аз же на Господа уповах. Возрадуюся и возвеселюся о милости Твоей, яко призрел еси на смирение мое, спасл еси от нужд душу мою, и неси мене затворил в руках вражиих, поставил еси на пространные нозе мои. Помилуй мя, Господи, яко скорблю: смятеса яростию око мое, душа моя и утроба моя. Яко исчезе в болезни живот мой и лета моя в воздыханиих, изнеможе нищетою крепость моя и кости моя смятошася. От всех враг моих бых поношение, и соседом моим зело, и страх знаемым моим: видящии мя вон бежаша от мене. Забвен бых яко мертв от сердца, бых яко сосуд погублен. Яко слышах гаждение многих, живущих окрест, внегда обратися им вкупе на мя, прияти душу мою совещаши. Аз же на Тя, Господи, уповах, рех: Ты еси Бог мой. В руку Твоею жребию мои: избави мя из руки враг моих и от гонящих мя. Просвети лице Твое на раба Твоего, спаси мя милостию Твоею. Господи, да не постыжуся, яко призвах Тя: да постыдятся нечестивии и снудут во ад. Немы да будут устны лествыя, глаголющия на праведнаго беззаконие, гордыню и уничижением. Коль многое множество благости Твоея, Господи, юже скрыл еси боящимся Тебе, соделал еси уповающим на Тя пред сыны человеческими. Скрыеши их в тайне лица Твоего от мятеха человеческа, покрыеши их в крове от пререkania язык. Благословен Господь, яко удивил милость Свою во граде ограждения. Аз же рех во изступлении моем: отвержен есмь от лица очию Твоею: сего ради услышал еси глас молитвы моея, внегда воззвах к Тебе. Возлюбите Господа, вси преподобнии Его, яко истины взыскает Господь, и воздает излише творящим гордыню. Мужайтесь, и да крепится сердце ваше, вси уповающие на Господа.

Псалом 90

Живый в помощи Вышняго, в крове Бога небеснаго водворится. Речет Господеву: Заступник мой еси и прибежище мое, Бог мой, и уповаю на

25 февраля. Среда 1-й недели поста.

Него́. Яко Той изба́вит тя от се́ти лóвчи и от словесе́ мяте́жна, плещма́ Сво́йма осенит́ тя, и под криле́ Его́ наде́ешися: ору́жием обы́дет тя и́стина Его́. Не убойши́ся от стра́ха но́чнаго, от стрелы́ летя́щия во дни, от ве́щи во тьме прехо́дящия, от сря́ща и бе́са полу́деннаго. Падёт от страна́ твое́я ты́сяща, и тьма одесну́ю тебе́, к тебе́ же не прибли́жится, оба́че очима́ тво́йма смóтриши и возда́ние грéшников у́зриши. Яко Ты, Го́споди, упова́ние моё, Вы́шняго положи́л еси́ прибе́жище твое́. Не придет к тебе́ зло, и рана́ не прибли́жится телеси́ твоему́, яко́ А́нгелом Сво́им запове́сть о тебе́, сохранити́ тя во всех путéх тво́их. На рука́х во́змут тя, да не когда́ преткне́ши о ка́мень но́гу твою́, на а́спида и васили́ска настúпиши, и попере́ши льва и зми́я. Яко на Мя упова́, и изба́влю и́, покрýю и́, яко позна́ имя Моё́. Воззовет́ ко Мне, и услы́шу его́, с ним есмь в ско́рби, изму́ его́ и просла́влю его́, долготóю дний испо́лню его́ и явлю́ ему́ спасе́ние Моё́.

Сла́ва Отцу́ и Сы́ну и Свято́му Ду́ху, и ны́не и прísно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́, Бо́же. *(Трижды)*

Го́споди, помилуй. *(Трижды)*

Сла́ва Отцу́ и Сы́ну и Свято́му Ду́ху, и ны́не и прísно и во ве́ки веко́в. Ами́нь.

“С Нами Бог...”

Лик: С на́ми Бог, разуме́йте, язы́цы, и покаря́йтесь: Яко с на́ми Бог.

С на́ми Бог, разуме́йте, язы́цы, и покаря́йтесь: Яко с на́ми Бог.

Стих: Услы́шите до послéдних земли́: Яко с на́ми Бог.

Могúщи покаря́йтесь: Яко с на́ми Бог.

Аще бо па́ки возмо́жете, и па́ки побеждéни бúдете: Яко с на́ми Бог.

И и́же аще совет́ совеща́ете, разорит́ Господь́: Яко с на́ми Бог.

И сло́во, е́же а́ще возглаго́лете, не пребу́дет в вас: Я́ко с на́ми Бог.

Стра́ха же ва́шего не убои́мся, ни́же смути́мся: Я́ко с на́ми Бог.

Го́спода же Бо́га на́шего Того́ освяти́м, и Той бу́дет нам в страх: Я́ко с на́ми Бог.

И а́ще на Него́ наде́яся бу́ду, бу́дет мне во освяще́ние: Я́ко с на́ми Бог.

И упова́я бу́ду на Него́, и спасу́ся Им: Я́ко с на́ми Бог.

Се аз и де́ти, я́же ми даде́ Бог: Я́ко с на́ми Бог.

Лю́дие ходя́щи во тьме, ви́деша свет ве́лий: Я́ко с на́ми Бог.

Живу́щи во странé, и сéни смéртней, свет возсия́ет на вы: Я́ко с на́ми Бог.

Я́ко Отроча́ роди́ся нам, Сын, и даде́ся нам: Я́ко с на́ми Бог.

Его́же нача́льство бысть на ра́ме Его: Я́ко с на́ми Бог.

И ми́ра Его несть преде́ла: Я́ко с на́ми Бог.

И нарица́ется и́мя Его́, вели́ка сове́та А́нгел: Я́ко с на́ми Бог.

Чу́ден советник: Я́ко с на́ми Бог.

Бог крéпок, Власти́тель, Нача́льник ми́ра: Я́ко с на́ми Бог.

Оте́ц бу́дущаго ве́ка: Я́ко с на́ми Бог.

С на́ми Бог, разумéйте, язы́цы, и покаря́йтесь: Я́ко с на́ми Бог.

25 февраля. Среда 1-й недели поста.

Сла́ва Отцу́ и Сы́ну и Свято́му Ду́ху. С на́ми Бог, разуме́йте, язы́цы, и покая́йтесь: Я́ко с на́ми Бог.

И ны́не и прісно и во ве́ки веко́в. Ами́нь. С на́ми Бог, разуме́йте, язы́цы, и покая́йтесь: Я́ко с на́ми Бог.

И абие настоящія тропари:

Первый лик: День прешед, благодарю Тя, Господи, вечер прошу с ночью, без греха подаждь ми, Спасе, и спаси мя.

Второй лик: *Сла́ва Отцу́ и Сы́ну и Свято́му Ду́ху.*

День прешед, славословлю Тя, Владыко, вечер прошу с ночью, безсоблазньство подаждь ми, Спасе, и спаси мя.

Таже оба лика: *И ны́не и прісно и во ве́ки веко́в. Ами́нь.*

День прешед, песнословлю Тя, Святыи, вечер прошу с ночью, ненаветен подаждь ми, Спасе, и спаси мя.

Чтец: Безплотное естество херувимское немолчными песнями Тя славословят.

Шестокрыльная животная Серафими непрестанными гласы Тя превозносятся. Ангелов же вся воинства трисвятыми песнями Тя восхваляют. Пржеде бо всех еси сый Отец, и собезначальна имаши Твоего Сына, И равночестна носяи Духа жизни, Троицы являеши нераздельное. Пресвятая Дево, Мати Божия, и иже Слова самовидцы и слуги, Пророк же и мученик вси лица, яко безсмертну имуще жизнь, О всех молитесь прилежно, яко вси есмы в бедах. Да прелести избавльшесе лукаваго, ангельскую вопием песнь: Святыи, Святыи, Святыи, Трисвятыи Господи, помилуй и спаси нас. Ами́нь.

Символ веры

Верую во еди́наго Бо́га Отца́, Вседержителя, Творца́ небу́ и земли́, ви́димым же всем и неви́димым. И во еди́наго Господа Иисуса Христа́, Сына Божия, Единоро́днаго, И́же от Отца́ рождённаго пржеде всех век. Свёта от Свёта, Бо́га и́стинна от Бо́га и́стинна, рождённа, несотворённа, единосущна Отцу́, и́мже вся бы́ша. Нас ра́ди человек и на́шего ради спасёния сше́д-

25 февраля. Среда 1-й недели поста.

шаго с небес и воплотившагося от Духа Свята и Марии Девы, и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущего века. Аминь.

Далее молительные стихи с поклонами

Священник: Пресвятая Владычице Богородице, моли о нас грешных.

Лик: Пресвятая Владычице Богородице, моли о нас грешных. *(Дважды)*

Священник: Вся небесная силы святых Ангел и Архангел, молитесь о нас грешных.

Лик: Вся небесная силы святых Ангел и Архангел, молитесь о нас грешных.

Священник: Святой Иоанне Пророке и Предтече и Крестителю Господа нашего Иисуса Христа, моли о нас грешных.

Лик: Святой Иоанне Пророке и Предтече и Крестителю Господа нашего Иисуса Христа, моли о нас грешных.

Священник: Святые славы апостолы, пророки и мученицы, и все святые, молитесь о нас грешных.

Лик: Святые славы апостолы, пророки и мученицы, и все святые, молитесь о нас грешных.

Священник: Преподобные и богоносные отцы наши, пастыри и учителя вселенная, молитесь о нас грешных.

Лик: Преподобные и богоносные отцы наши, пастыри и учителя вселенная, молитесь о нас грешных.

(Зде же глаголется и святой храма.)

25 февраля. Среда 1-й недели поста.

Священник: Непобедимая и непостижимая, и Божественная сила Честного и Животворящего Креста, не остави нас грешных.

Лик: Непобедимая и непостижимая, и Божественная сила Честного и Животворящего Креста, не остави нас грешных.

Священник: Боже, очисти нас грешных.

Лик: Боже, очисти нас грешных.

Священник: Боже, очисти нас грешных и помилуй нас.

Лик: Боже, очисти нас грешных и помилуй нас.

Чтец: Святой Боже, Святой Крепкий, Святой Безсмертный, помилуй нас.
(Трижды)

Слава Отцу и Сыну и Святому Духу, и ныне и присно и во веки веков.
Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков.
Аминь.

Отче наш, Иже еси на небесах! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила и слава, Отца и Сына и Святого Духа, ныне и присно и во веки веков.

Лик: Аминь.

Тропари

Лик поет тропари сия, во глас 2:

Просвети очи мой, Христе Боже, / да не когда усну в смерть, /
да не когда речет враг мой: // укрепихся на него.

Слава Отцу и Сыну и Святому Духу.

25 февраля. Среда 1-й недели поста.

Заступник души моея буди, Бóже,/ яко посреде хожду сетей
многих,/ избави мя от них,// и спаси мя, Блáже, яко
Человеколюбец.

И ныне и присно и во веки веков. Амíнь.

Яко не имама дерзновения за премногия грехи наша,/ Ты
иже от Тебе Рóждшагося моли, Богородице Дéво,/ много бо
может моление матернее ко благосердию Владыки,/ не
презри грешных мольбы, Всечистая,/ яко Милостив есть и
спаси могий,// иже и страдати о нас изволивый.

Чтец: Господи, помилуй. (40 раз)

Слáва Отцú и Сыну и Святому Дúху, и ныне и присно и во веки веков.
Амíнь.

Честнейшую Херувим и славнейшую без сравнения Серафим, без
исчления Бóга Слова рóждшую, сущую Богородицу Тя величаем.

Именем Господним благослови, óтче.

Священник: Молитвами святых отец наших, Господи Иисусе Христэ Бóже
наш, помилуй нас

Чтец: Амíнь.

Молитва Василия Великого

Гóсподи, Гóсподи, избавлей нас от всякия стрелы летящая во дни, из-
бави нас и от всякия вещи во тьме переходящая. Примии жертву вечер-
нюю, рук наших воздеяние. Сподоби же нас и ночное поприще без порока
прейти, неискушены от злых. И избави нас от всякаго смущения и боязни,
яже от диавола нам прибывающия. Даруй душам нашим умиление, и по-
мыслом нашим попечение, еже на страшнем и праведнем Твоем суде ис-
пытания. Пригвозди страху Твоему плоти наша, и мертвыи уды наша, су-
щия на земли, да и сонным безмолвием просветимся, зрением судеб
Твоих. Отыми же от нас всякое мечтание неподобное, и похоть вредну.
Возстави же нас во время молитвы, утверждены в вере, и преспевающия
в заповедех Твоих, благоволением и благостию Единороднаго Сына Тво-
его, с Нимже благословен еси, с Пресвятым и Благим, и Животворящим
Твоим Дúхом, ныне и присно и во веки веков. Амíнь.

2-я часть повечерия

Приидите, поклонимся Царéви нашему Бóгу.

Приидите, поклонимся и припадём Христу́, Царéви нашему Бóгу.

Приидите, поклонимся и припадём Самому́ Христу́, Царéви и Бóгу нашему.

Псалом 50

Помилуй мя, Бóже, по велицей мило́сти Твое́й, и по мно́жеству щедро́т Твои́х очисти беззако́ние моё. Наипа́че омый мя от беззако́ния моего́, и от греха́ моего́ очисти мя. Яко́ беззако́ние моё аз зна́ю и грех мой предо мно́ю есть вѣну. Тебе́ Единому́ согреших, и лука́вое пред Тобо́ю сотвори́х, яко́ да оправди́шия во словесе́х Твои́х и победи́ши, внегда́ суди́ти Ти. Се бо в беззако́ниих зачат есмь, и во гресе́х роди́ мя ма́ти моя́. Се бо и́стину возлюбил еси́, безвѣстная и та́йная премудро́сти Твоея́ явил ми еси́. Окропи́ши мя иссо́пом, и очи́щуся, омѣиши мя, и па́че сне́га убелю́ся. Слу́ху моему́ да́си ра́дость и весе́лие, возра́дуются ко́сти смире́нныя. Отврати́ лице́ Твое́ от грех мои́х, и вся беззако́ния моя́ очисти. Сѣрдце чи́сто сози́жди во мне, Бóже, и дух прав обнови́ во утро́бе мое́й. Не отвержи мене́ от лица́ Твоего́, и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́, и Ду́хом Влады́чним утверди́ мя. Научу́ беззако́нныя путе́м Твои́м, и нечестивии к Тебе́ обратят́ся. Изба́ви мя от крове́й, Бóже, Бóже спасе́ния моего́, возра́дуется язы́к мой пра́вде Твое́й. Го́споди, устне́ мои́ отверзеши, и уста́ моя́ возвестят хвалу́ Твою́. Яко́ а́ще бы восхотѣл еси́ жѣртвы, дал бых у́бо, всесо́жжения не благоволи́ши. Жѣртва Бóгу дух сокруше́н, сѣрдце сокруше́нно и смире́нно Бог не уничи́жит. Ублажи́, Го́споди, благово́лением Твои́м Сио́на, и да сози́ддутся стѣны́ Иерусали́мския. Тогда́ благоволи́ши жѣртву пра́вды, возноше́ние и всесо́жегаемая: тогда́ возложат на олта́рь Твой тельцы́.

Псалом 101

Го́споди, услы́ши моли́тву мою́, и вопль мой к Тебе́ да приидет. Не отврати́ лица́ Твоего́ от мене́: во́ньже а́ще день скорблю́, приклони́ ко мне у́хо Твое́: во́ньже а́ще день призову́ Тя, скоро́ услы́ши мя. Яко́ исчезо́ша яко́ дым дние́ мои́, и ко́сти моя́ яко́ суши́ло сосхо́шася. Уязвен бых яко́ трава́, и и́зше сѣрдце моё, яко́ забых снѣсти хлеб мой. От гла́са воздыха́ния моего́ прильпе́ кость моя́ плóти мое́й. Уподобихся не́ясыти пусты́нней, бых яко́ но́щный вран на ны́рищи. Бдех и бых яко́ пти́ца осóбьящаяся на зде. Весь день поноша́ху ми врази́ мои́, и хва́лящии мя мно́ю кленя́хуся. Зане́ пѣпел яко́ хлеб ядых, и пити́е моё с пла́чем растворя́х. От лица́ гнѣва Тво-

его и ярости Твоея: яко вознес низвергн мя еси. Дни мои яко сень уклонишася, и аз яко сено изсхох. Ты же, Господи, во век пребываеши, и память Твоя в род и род. Ты воскрес ущедриши Сиона, яко время ущедрити его, яко прииде время. Яко благоволиша раби Твои каменение его, и персть его ущедрят. И убоятся языцы имене Господня, и вси царие земсти славы Твоея. Яко созиждет Господь Сиона, и явится во славе Своей. Призри на молитву смиренных, и не уничижи моления их. Да напишется сие в род ин, и людие зиждемии восхвалят Господа. Яко прииде с высоты святая Своея, Господь с небес на землю призри, услышати воздыхание окованных, разрешити сыны умерщвленных, возвестити в Сионе имя Господне, и хвалу Его во Иерусалиме. Внегда собратися людем вкупе, и царем, еже работати Господеви. Отвещая ему на пути крепости его: умаление дней моих возвести ми. Не возведи мене в преполовение дней моих: в роде родов лета Твоя. В началех Ты, Господи, землю основал еси, и дела руку Твоею суть небеса. Та погибнут, Ты же пребываеши: и вся, яко риза обетшают, и яко одежду свиеши я и изменятся. Ты же тойжде еси, и лета Твоя не оскудеют. Сынове раб Твоих вселятся, и семя их во век исправится.

Молитва Манассии, царя иудейска

Господи Вседержителю, Боже отец наших, Авраамов, и Исааков, и Иаковль, и семени их праведнаго, сотворивый небо и землю со всею лютотою их, связавый море словом повеления Твоего, заключивый бездну, и запечатствовавый ю страшным и славным именем Твоим, егже вся боятся, и трепещут от лица силы Твоея, яко непостоянно великолепие славы Твоея, и нестерпим гнев еже на грешники прещения Твоего, безмерна же и неизследованна милость обещания Твоего: Ты бо еси Господь Вышний, благоутробен, долготерпелив, и многомилостив, и кайся о злобах человеческих. Ты, Господи, по множеству благодати Твоея, обещал еси покаяние и оставление согрешившим Тебе, и множеством щедрот Твоих, определил еси покаяние грешником во спасение. Ты убо, Господи Боже сил, не положил еси покаяние праведным, Аврааму, и Исааку, и Иакову, не согрешившим Тебе: но положил еси покаяние на мне грешнем, зане согреших паче числа песка морскаго. Умножишася беззакония моя, Господи, умножишася беззакония моя, и не смею достоин взрети, и видети высоту небесную, от множества неправд моих, слячен есмь многими узами железными, во еже не возвести главы моея, и несть ми ослабления: зане прогневах ярость Твою, и лукавое пред Тобою сотворих, не сотворивый воли Твоея, и не сохранивый повелений Твоих. И ныне приклоняю колена сердца, требуя от Тебе благодати. Согреших,

25 февраля. Среда 1-й недели поста.

Господи, согреших, и беззакония моя аз вем: но прошу моляся, ослаби ми Господи, ослаби ми, и не погуби мене со беззаконьями моими, ниже в век враждовав соблюдеши зол моих, ниже осудиши мя в преисподних земли. Зане Ты еси, Боже, Бог кающихся, и на мне явиши всю благодать Твою, яко недостойна суща спасеши мя, по мнозей милости Твоей, и восхваляю Тя ныне во днех живота моего. Яко Ты поет вся сила небесная, и Твоя есть слава во веки веков. Аминь.

Святый Боже, Святый Крепкий, Святый Безсмертный, помилуй нас. **(Трижды)**

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. **(Трижды)**

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесах! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила и слава, Отца и Сына и Святого Духа, ныне и присно и во веки веков.

Лик: Аминь.

Тропари

Глас 6: Помилуй нас, Господи, помилуй нас:/ всякаго бо ответа недоумеюще,/ сию Ти молитву, яко Владыце,// грешнии приносим, помилуй нас.

Слава Отцу и Сыну и Святому Духу.

Господи, помилуй нас:/ на Тя бо уповахом,/ не прогневайся на ны зело,/ ниже помяни беззаконий наших,/ но призри и

25 февраля. Среда 1-й недели поста.

ны́не я́ко Благоутро́бен,/ и изба́ви ны от враг на́ших:/ Ты бо еси́ Бог наш,/ и мы лю́дие Тво́й,/ вси дела́ руку́ Тво́ею,// и имя Тво́е призыва́ем.

И ны́не и прісно и во ве́ки веко́в. Ами́нь.

Милосе́рдия двéри отве́рзи нам,/ Благослове́нная Богоро́дице,/ наде́ющиися на Тя да не поги́бнем,/ но да изба́вимся Тобо́ю от бед:// Ты бо еси́ спасе́ние ро́да христиа́нского.

Чтец: Го́споди, поми́луй. (40 раз)

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Честне́йшую Херуві́м и сла́внейшую без сравне́ния Серафі́м, без ислéния Бо́га Сло́ва ро́ждшую, су́щую Богоро́дицу Тя велича́ем.

И́менем Господні́м благослови́, о́тче.

Священник: Молітвами святы́х оте́ц на́ших, Го́споди Иису́се Христé, Бо́же наш, поми́луй нас.

Чтец: Ами́нь.

Влады́ко Бо́же, О́тче Вседержі́телю, Го́споди, Сы́не Единоро́дный, Иису́се Христé, и Святы́й Ду́ше, Еди́но Божество́, Еди́на Си́ла, поми́луй мя, грéшного, и і́миже ве́си судьба́ми, спаси́ мя, недосто́йнаго раба́ Твоего́, я́ко благослове́н еси́ во ве́ки веко́в. Ами́нь.

3-я часть повечерия

Прииді́те, поклоні́мся Царе́ви на́шему Бо́гу.

Прииді́те, поклоні́мся и припаде́м Христу́, Царе́ви на́шему Бо́гу.

Прииді́те, поклоні́мся и припаде́м Самому́ Христу́, Царе́ви и Бо́гу на́шему.

Псалом 142

Го́споди, услы́ши моли́тву мою́, внуши́ моле́ние моё во і́стине Тво́ей, услы́ши мя в пра́вде Тво́ей и не вни́ди в суд с рабо́м Тво́им, я́ко не оправди́тся пред Тобо́ю всяк живы́й. Я́ко погна́ враг ду́шу мою́, смири́л ест в зéмлю живо́т мой, посади́л мя ест в те́мных, я́ко ме́ртвыя ве́ка. И уны́ во

мне дух мой, во мне смятёся сёрдце моё. Помянух дни дрэвняя, поучихся во всех дѣлах Твоих, в творениих руку Твоею поучахся. Воздох к Тебѣ руже мой, душа моя, яко земля безводная Тебѣ. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне, Господи, путь вонже пойду, яко к Тебѣ взях душу мою. Изми мя от враг моих, Господи, к Тебѣ прибегах. Научи мя творити волю Твою, яко Ты еси Бог мой. Дух Твой благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи Царю Небесный, Боже Отче Вседержителю, Господи Сыне Единородный Иисусе Христе и Святыи Душе. Господи Боже, Агнче Божий, Сыне Отець, вземляй грех мира, помилуй нас: вземляй грехи мира, прими молитву нашу. Седяи одесную Отца, помилуй нас. Яко Ты еси един Свят, Ты еси един Господь, Иисус Христос, в славу Бога Отца. Аминь.

На всяку ночь благословлю Тя, и восхвалю имя Твое во веки и в век века.

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебѣ. Господи, к Тебѣ прибегах, научи мя творити волю Твою, яко Ты еси Бог мой: яко у тебе источник живота, во свете Твоем узрим свет. Пробоуди милость Твою ведущим Тя.

Сподоби, Господи, в ночь сию, без греха сохранитися нам. Благословен еси, Господи Боже отец наших, и хвалено и прославлено имя Твое во веки. Аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправдании Твоими.

Господи, милость Твоя во век, дел руку Твоею не презри. Тебѣ подобает хвала, Тебѣ подобает пение, Тебѣ слава подобает, Отцу и Сыну и Святому Духу, ныне и присно и во веки веков. Аминь.

Святыи Боже, Святыи Крепкий, Святыи Безсмертный, помилуй нас. **(Трижды)**

25 февраля. Среда 1-й недели поста.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Пресвята́я Трои́це, поми́луй нас; Го́споди, очисти грехи́ на́ша; Влады́ко, прости́ беззакония на́ша; Святы́й, посети́ и исцели́ немо́щи на́ша, имене Твоего́ ра́ди.

Го́споди, поми́луй. *(Трижды)*

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

О́тче наш, И́же еси́ на небесе́х! Да святі́тся и́мя Твое́, да приі́дет Ца́рствие Твое́, да бу́дет во́ля Твоя́, я́ко на небеси́ и на землі. Хлеб наш насу́щный даждь нам днесь; и оста́ви нам до́лги на́ша, я́коже и мы оставля́ем должникомо́ нашим; и не введи́ нас во искуше́ние, но изба́ви нас от лука́ваго.

Священник: Я́ко Твое́ есть Ца́рство и си́ла и сла́ва, Отца́ и Сы́на и Святаго Ду́ха, ны́не и прісно и во ве́ки веко́в.

Лик: Ами́нь.

Тропарь велегласно и косно, во глас 6:

Го́споди сил, с на́ми бу́ди, ино́го бо ра́зве Тебе́ помо́щника в ско́рбех не и́мамы: Го́споди сил, поми́луй нас.

Го́споди сил, с на́ми бу́ди, ино́го бо ра́зве Тебе́ помо́щника в ско́рбех не и́мамы: Го́споди сил, поми́луй нас.

Стих: Хвалі́те Бо́га во святы́х Его́, хвалі́те Его́ во утверже́нии си́лы Его́.

Го́споди сил, с на́ми бу́ди, ино́го бо ра́зве Тебе́ помо́щника в ско́рбех не и́мамы: Го́споди сил, поми́луй нас.

Стих: Хвалі́те Его́ на си́лах Его́, хвалі́те Его́ по мно́жеству вели́чества Его́.

Го́споди сил, с на́ми бу́ди, ино́го бо ра́зве Тебе́ помо́щника в ско́рбех не и́мамы: Го́споди сил, поми́луй нас.

Стих: Хвалите Его во гласе трубнем, хвалите Его во псалтири и гуслех.

Господи сил, с нами буди, иного бо разве Тебе помощника в скорбех не имамы: Господи сил, помилуй нас.

Стих: Хвалите Его в тимпане и лице, хвалите Его во струнах и органе.

Господи сил, с нами буди, иного бо разве Тебе помощника в скорбех не имамы: Господи сил, помилуй нас.

Стих: Хвалите Его в кимвалех dobroglasnykh, хвалите Его в кимвалех восклицания: всякое дыхание да хвалит Господа.

Господи сил, с нами буди, иного бо разве Тебе помощника в скорбех не имамы: Господи сил, помилуй нас.

Таже оба лика сошедшеся вкупе поют:

Хвалите Бога во святых Его, хвалите Его во утвержении силы Его.

Господи сил, с нами буди, иного бо разве Тебе помощника в скорбех не имамы: Господи сил, помилуй нас.

Слава Отцу и Сыну и Святому Духу.

Господи, аще не быхом святыя Твоя имели молитвенники, и благостыню Твою, милующую нас, како смели быхом, Спасе, пети Тя, Егже славословят непрестанно Ангели? Сердцеведче, пощади души наша.

И ныне и присно и во веки веков. Аминь.

25 февраля. Среда 1-й недели поста.

Мно́гая мно́жества моих, Богоро́дице, прегрешéний, к Тебé прибего́х, Чíстая, спасéния трéбуя: посети́ немощствую́щую мою́ дúшу, и моли́ Сы́на Твоего́, и Бо́га нашего́, дáти ми оставлéние, я́же содéях лю́тых, еди́на Благословéнная.

Всесвятáя Богородице, во врéмя животá моего́ не оста́ви менé, человéческому предстáтельству не ввéri мя: но Самá заступи́ и помíлуй мя.

Все упováние моé на Тя возлагаю́, Мáти Бóжия, сохрани́ мя под кро́вом Твои́м.

Чтец: Гóсподи, помíлуй. *(40 раз)*

И́же на всякое врéмя и на всякий час, на небеси́ и на земл́и покланя́емый и сла́вимый Христé Бóже, долготерпели́ве, многомíлостиве, многоблаготрóбне, И́же пра́ведныя любя́й и грéшныя мíлуй, И́же вся зовы́й ко спасéнию обеща́ния ра́ди б́дущих благ. Сам, Гóсподи, прими́ и на́ша в час сей моли́твы, и испра́ви живóт наш к за́поведем Твои́м: дúши на́ша освяти́, телеса́ очисти́, помышлéния испра́ви, мýсли очисти́ и избáви нас от всякия скóрби, зол и болéзней. Оградí нас святы́ми Твои́ми А́нгелы, да ополчéнием их соблюда́еми и наставля́еми, достíгнем в соединéние вéры, и в ра́зум непристúпныя Твоея́ сла́вы: я́ко благословéн еси́ во вéки веко́в. Ами́нь.

Гóсподи, помíлуй. *(Трижды)*

Сла́ва Отцú и Сы́ну и Свято́му Дúху, и ны́не и пр́сно и во вéки веко́в. Ами́нь.

Честне́йшую Херув́им и сла́внейшую без сравне́ния Сераф́им, без ислéния Бо́га Сло́ва ро́ждшую, сýщую Богоро́дицу Тя велича́ем.

И́менем Госпо́дним благослови́, óтче.

Священник: Бóже, ущéдри ны́ и благослови́ ны́, просвети́ лице́ Твое́ на ны́ и помíлуй ны́.

Чтец: Ами́нь.

Молитва Ефрема Сирина

25 февраля. Среда 1-й недели поста.

Посем поклоны великия три, глаголюще в них на коемждо поклоне молитву преподобнаго Ефрема:

Господи и Владыко животá моего, дух прázдности, уны́ния, любоначáлия, и празднослóвия не даждь ми *(Поклон)*.

Дух же целомудрия, смиренномудрия, терпéния, и любвѣ, даруй ми рабú Твоемú *(Поклон)*.

Ей, Господи Царю, даруй ми зрѣти моя прегрешéния, и не осуждáти брата моего, яко благословѣн еси во вѣки веко́в, амíнь *(Поклон)*.

Также 12 малых поклонов с молитвой: Бóже, очисти мя, грешнаго.

И снова всю молитву:

Господи и Владыко животá моего, дух прázдности, уны́ния, любоначáлия, и празднослóвия не даждь ми. Дух же целомудрия, смиренномудрия, терпéния, и любвѣ, даруй ми рабú Твоемú. Ей, Господи Царю, даруй ми зрѣти моя прегрешéния, и не осуждáти брата моего, яко благословѣн еси во вѣки веко́в *(и один великий поклон)*.

Чтец: Амíнь.

Чтец: Святы́й Бóже, Святы́й Крѣпкий, Святы́й Безсмѣртный, помíлуй нас *(трижды)*.

Слáва Отцú и Сыну и Свято́му Дúху, и ны́не и прíсно и во вѣки веко́в. Амíнь.

Пресвятáя Трóице, помíлуй нас; Господи, очисти грехи́ нáша; Владыко, прости́ беззакóния нáша; Святы́й, посети́ и исцели́ нéмощи нáша, íмене Твоего́ рáди.

Господи, помíлуй *(трижды)*.

Слáва Отцú и Сыну и Свято́му Дúху, и ны́не и прíсно и во вѣки веко́в. Амíнь.

Отче наш, Ёже еси́ на Небесéх! Да святíтся íмя Твое́, да приíдет Цáрствие Твое́, да бúдет во́ля Твоя́, яко на Небесí, и на землí. Хлеб наш насúщный даждь нам днесь; и остави́ нам дóлги нáша, якоже имы оставляем должникóм нáшим; и не введи́ нас во искушéние, но избáви нас от лукаваго.

Священник: Яко Твое́ есть Цáрство, и síла, и слáва, Отцá, и Сына, и Свята́го Дúха, ны́не и прíсно, и во вѣки веко́в.

Чтец: Амíнь. Господи, помíлуй *(12 раз)*.

Молитва

Несквѣрная, Неблѣзная, Нетлѣнная, Пречѣстая, Чѣстая Дѣво, Богоневѣсто Владычице, яже Бѣга Слѣва челоуѣком преслѣвнымъ Твоѣмъ рождествомъ соединившая, и отринувшееся естество рѣда нашего небеснымъ совокупляющая, яже ненадежныхъ единая надежда и боримыхъ помощи, готовое заступление къ Тебѣ притекающихъ, и всехъ христіанъ прибежище: не гнушайся мене грѣшнаго, сквернаго, скверными помысли, и словесы, и деяньми всего себе непотребна сотворша, и разумомъ лѣности сластей житія раба бывша. Но яко челоуеколюбиваго Бѣга Мати, челоуеколюбне умилосердися о мене грѣшнемъ и блуднемъ, и прими мое еже отъ скверныхъ устенъ приносимое Тебѣ молѣние, и Твоего Сына, и нашего Владыку и Господа, матернее Твое дерзновение употребляюще, моли, да отверзетъ и мене челоуеколюбныя утробы Своея благодати, и презревъ моя безчисленныя прегрѣшения, обратитъ мя къ покаянію, и Своихъ заповѣдей дѣлателя искусна явитъ мя. И предстани мене присно, яко милостивая и милосердая, и благолюбивая, в настоящемъ убо житіи теплая Предстательнице и Помощнице, сопротивныхъ нашествія отгоняюще, и ко спасенію наставляюще мя: и во время исхода моего окаянную мою душу соблюдающе, и темныя зраки лукавыхъ бесѣв далече отъ нея отгоняюще, в страшный же день суда вѣчныя мя избавляюще муки, и неизреченныя славы Твоего Сына и Бѣга нашего, наследника мя показующи. Юже и да улучу, Владычице моя, Пресвятая Богородице, Твоѣмъ ходатайствомъ и заступленіемъ, благодатию и челоуеколюбиемъ Единороднаго Сына Твоего, Господа и Бѣга и Спаса нашего Иисуса Христа: Емуже подобаетъ всякая слава, честь и поклонѣние, со Безначальнымъ Его Отцемъ и Пресвятымъ и Благимъ и Животворящимъ Его Духомъ, ныне и присно и во вѣки вѣковъ. Аминь.

Молитва ко Господу нашему Иисусу Христу, Антиоха монаха Пандѣкта

И даждь намъ, Владыко, на сонъ грядущимъ, покой тѣла и души: и сохрани насъ отъ мрачнаго сна грѣховнаго, и отъ всякаго темнаго и ношнаго сладострастія, укроти стремленія страстей, угаси разжженныя стрѣлы лукаваго, яже на ны льстиво движимыя. Плѣти наша востанія утоли, и всякое земное и вещественное наше мудрованіе успи, и даруй намъ, Бѣже, бодр умъ, целомудръ помыслъ, сердце трезвящееся, сонъ легокъ, и всякаго сатанина мечтанія измененъ. Возстави же насъ во время молитвы утверждены въ заповѣдехъ Твоихъ, и память судѣбъ Твоихъ въ себѣ тверду имуща: всенѣщное славословіе намъ даруй, во еже пѣти, и благословити, и славити пречестное и великолепое имя Твое, Отца и Сына и Святаго Духа, ныне и присно и во вѣки вѣковъ. Аминь.

Преславная Приснодѣво, Мати Христа Бѣга, принеси нашу молитву Сыну Твоему и Бѣгу нашему, да спасетъ Тобою души наша.

25 февраля. Среда 1-й недели поста.

Молитва иная, святого Иоанникия

Упование мое Отец, прибежище мое Сын, покров мой Дух Святы́й, Троице Свята́я, слава Тебе́.

Священник: Слава Тебе́, Христе́ Бо́же, Упование наше, слава Тебе́.

Лик: Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь. Го́споди, поми́луй. *(Трижды)*
Благослові.

И нам на землю приклоншимся, священник глаголет молитву:

Влады́ко Многоми́лостиве, Го́споди Иису́се Христе́, Бо́же наш, моли́твами Всепречи́стыя Влады́чицы на́шея Богоро́дицы и Присноде́вы Мари́и, си́лою Честна́го и Животворя́щаго Креста́, предста́тельства честны́х небе́сных сил безплотных, честна́го сла́внаго Проро́ка, Предте́чи и Кресті́теля Иоа́нна, святы́х сла́вных и всехва́льных апо́стол, святы́х сла́вных и добропобедных му́чеников, преподо́бных и богно́сных оте́ц на́ших, святы́х и пра́ведных Богооте́ц Иоакі́ма и А́нны, и всех Твои́х святы́х, благоприя́тну сотвори́ моли́тву на́шу, да́руй нам оставле́ние прегреше́ний на́ших, покрый нас кро́вом крилу́ Твоёю, отжени́ от нас вся́каго врага́ и супоста́та, умири́ на́шу жи́знь, Го́споди, поми́луй нас, и мир Твой, и спаси́ ду́ши на́ша, я́ко Благ и Человеколю́бец.

По молитве же нам вставшим, глаголет священник:

Благослови́те, отцы́ святы́и, прости́те ми грешно́му, ели́ка согреши́х сло́вом, де́лом, помышле́нием и все́ми мои́ми чу́вствы.

И отвечают людие:

Бог прости́т ти, о́тче святы́й.

Священник же глаголет ектению:

Помо́лимся о Вели́ком Госпо́дине и отце́ на́шем Святе́йшем Патриа́рхе Кири́лле.

Лик: Го́споди, поми́луй.

О Богохра́нимей стране́ на́шей, власте́х и во́инстве ея́.

Лик: Го́споди, поми́луй.

О ненави́дящих и любя́щих нас.

Лик: Го́споди, поми́луй.

О ми́люющих и служя́щих нам.

Лик: Гóсподи, помíлуй.

О заповéдавших нам, недостóйным, молíтися о них.

Лик: Гóсподи, помíлуй.

О избавлénии пленénных.

Лик: Гóсподи, помíлуй.

О отшéдших отцéх и брáтиях нáших.

Лик: Гóсподи, помíлуй.

О в мóри пла́вающих.

Лик: Гóсподи, помíлуй.

О в нéмощих лежáщих.

Лик: Гóсподи, помíлуй.

Помóлимся и о избóилии плодóв земнýх.

Лик: Гóсподи, помíлуй.

И о всякой ду́шї христиáн правослáвных.

Лик: Гóсподи, помíлуй.

Ублаж́им правослáвныя архиерéи и кт́торы святáго хра́ма сегó.

Лик: Гóсподи, помíлуй.

Родíтели нáша, и вся прéжде отшéдшия отцý и брáтию нáшу, zde лежáщия и повсю́ду, правослáвныя.

Лик: Гóсподи, помíлуй.

Священник: Рцем и о себé самéх.

Лик: Гóсподи, помíлуй. *(Трижды)*

Священник: Молíтвами святýх отéц нáших, Гóсподи Иисýсе Христé, Бóже наш, помíлуй нас.

Лик: Амíнь.